

VENDIM
Nr.233, datë 11.5.2000

**PËR MBËSHTETJEN E SHËRBIMIT TË KONTROLLIT TË PLEHRAVE KIMIKE NGA
ORGANET E RUAJTJES SË RENDIT**

Në mbështetje të nenit 100 të Kushtetutës, dhe të nenit 20, të ligjit nr.8531, datë 23.9.1999, "Për Shërbimin e Kontrollit të Plehrave Kimike", me propozimin e ministrit të Bujqësisë dhe Ushqimit, Këshilli i Ministrave

VENDOSI:

1. Organet e ruajtjes së rendit ndihmojnë, me kërkesën e Shërbimit të Kontrollit të Plehrave Kimike, në rastet e parashikuara më poshtë:

a) Kur inspektori, gjatë ushtrimit të kontrollit të plehrave kimike, vëren shkelje të dispozitave të ligjit "Për Shërbimin e Kontrollit të Plehrave Kimike", dhe kundërvajtësi kundërshton urdhrin e tij.

b) Kur tregtohet pleh kimik i bllokuar ose i ndaluar për të qarkulluar në treg.

c) Kur pjesa e plehut (partia) nuk përpunohet ose asgjësohet në afatet kohore, të përcaktuara në urdhrin e Shërbimit të Kontrollit të Plehrave Kimike.

2. Ngarkohen Ministria e Rendit Publik dhe Ministria e Bujqësisë dhe Ushqimit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Ilir Meta